



Յետազոտական աշխատանք

<p><b>Կազմակերպության տվյալներ</b></p> <ul style="list-style-type: none"> <li>• Անվանում, հասցե</li> <li>• Տնօրեն</li> <li>• Էլ.հասցե</li> <li>• Յեռախոս</li> </ul>	<p>«Մասնակցային դպրոց» կրթական հիմնադրամ          Վահրամ Սողոմոնյան  <a href="mailto:masnakcayindproc@gmail.com">masnakcayindproc@gmail.com</a></p>
<p><b>Յետազոտության թեմա/վերնագիր</b></p> <ul style="list-style-type: none"> <li>• Յետազոտության թեմա</li> </ul>	<p>Արտադասարանական միջոցառումները որպես միջմշակութային հաղորդակցության ապահովման, դաստիարակչական խնդիրների լուծման միջոց:</p>
<p><b>Ուսուցչի տվյալներ</b></p> <ul style="list-style-type: none"> <li>• Ա.Ա.Յ.</li> <li>• Մասնագիտություն</li> <li>• Յեռախոս</li> <li>• Էլ. հասցե</li> <li>• Դասավանդվող առարկաներ</li> <li>• Դասարաններ</li> </ul>	<p>Աննա Բոյախյան Վանիկի Մանկավարժ          English /2/          3, 4, 6, 7, 8, 9, 11, 12</p>
<p><b>Ուսումնական հաստատության տվյալներ</b></p> <ul style="list-style-type: none"> <li>• Անվանումը, հասցե</li> <li>• Յեռախոս</li> <li>• Էլ. հասցե (տնօրենության)</li> <li>• Web կայքի հասցե</li> </ul>	<p>Կոտայքի մարզի Կամարիսի Ա.Սիմոնյանի անվան միջնակարգ դպրոց ՊՈԱԿ  <a href="mailto:kamaris@schools.am">kamaris@schools.am</a></p>

## Բովանդակություն

- 1) Ներածություն
- 2) Արտադասարանական միջոցառումները օտար լեզվից:
- 3) Արտադասարանական միջոցառումների կազմակերպման տարիքային առանձնահատկությունները
- 4) Եզրակացություն
- 5) Օգտագործված գրականություն

## Ներածություն

<p><b>Նպատակը և հետազոտական հարցը</b></p>	<p>Հմտությունների և կարողությունների զարգացումը արտադասարանական միջոցառումների միջոցով: Որքանո՞վ են արտադասարանական միջոցառումները նպաստում միջմշակութային հաղորդակցությանը և դաստիարակչական խնդիրների լուծմանը:</p>
<p><b>Թեմայի կարևորությունը և նշանակությունը Ձեր / թիրախային խմբի համար</b></p>	<p>Արտադասարանական միջոցառումները աշակերտների փորձն ու գործունեությունն են, որոնք ներառված չեն կրթական ուսումնական պլանի մեջ: Այս միջոցառումները կրթության կարևոր մասերից մեկն են կազմում: Ապացուցված է, որ արտադասարանական միջոցառումները նույնքան անհրաժեշտ են, որքան կանոնավոր դասերը, հմտությունները զարգացնելու համար: Ավելին, արտադասարանական միջոցառումները լավ</p>

հնարավորություն են տալիս աշակերտներին հասնելու իրենց ուսումնական նպատակներին: Աշակերտները հայտնաբերում և զարգացնում են իրենց հմտություններն ու կարողությունները այս միջոցառումների միջոցով՝ ձեռքբերումներ ունենալու համար: Չնայած արտադասարանական միջոցառումների և սովորողների ձեռքբերումների միջև կապը եղել է շարունակական, դրանց օգուտները ավելի բարձր կրթական ձեռքբերումներ ունենալու համար եղել են առաջնային:

Արտադասարանական միջոցառումները դպրոցական բոլոր մակարդակներում ներկայացվում են տարբեր ձևերով, ինչպես օրինակ՝ սպորտ, ակումբ, բանավեճ, արվեստ, երաժշտություն, դպրոցական թերթ:

Արտադասարանական միջոցառումները կուղղորդեն ավելի բարձր կրթական հաջողությունների և կօգնեն սովորողներին ավելի լավ միավորներ հավաքել քննություններին և թեստերին: Դրանք նաև ոգեշնչում են սովորողներին և դրական կապ ստեղծում աշակերտների ու դպրոցի միջև: Երբ սովորողները դրական են տրամադրված դեպի դպրոցը, նրանք ավելի վստահ են գիտելիքների ընդունման հարցում:

Այդ միջոցառումները հնարավորություն են տալիս աշակերտներին հասակակիցների հետ բարիդրացիական կապ հաստատել, և երբ

մասնակցում են դրանց, աճում է նաև նրանց դասին ներառվածությունը:

Արտադասարանական միջոցառումները ապահովում են սովորողներին գործնական միջավայր և այդ գործնական հնարավորությունները հնարավորություն են տալիս, որ նրանք ձեռք բերեն ինքնավստահություն: Նրանք ավելի լավ հնարավորություն են ունում ցուցադրել իրենց հմտություններն ու ունակությունները միջոցառումների ընթացքում:

Արտադասարանական միջոցառումները ազդում են սովորողների դրական վերաբերմունքի վրա դեպի ուսումնա ու դպրոցը: Այն աշակերտները, ովքեր իրենց լավ են դրսևորում այս միջոցառումների ընթացքում, զարգացնում են ինքնագնահատականը՝ իրենց նվաճումների շնորհիվ: Այս ինքնագնահատումը գլխավոր դեր է խաղում հետագա ձեռքբերումների համար, ինչպես նաև արտադասարանական միջոցառումները միջավայր են ստեղծում աշակերտների համար օգտագործել իրենց գիտելիքները, որ ձեռք են բերել դպրոցում: Աշակերտներին հնարավորություն է տրվում գործադրել իրենց գիտելիքները «իրական կյանք» իրադրություններում:

Իսկապես, ուսուցանելու եւ սովորելու աշխատանքը ժամանակատար պրոցես է և կրթական փոխգործակցություն ուսուցչի եւ

աշակերտի միջև: Կրթական փոխգործակցության նպատակը գործ ունի երեք ասպեկտների հետ՝

- Ճանաչողական
- Աֆեկտիվ
- Հոգեբանական

Հաջողության հասնելու համար այս երեք նպատակները պահանջում են ուսուցչից առավելագույն աշխատանք՝ փոխանցելու նյութը, տեխնիկան եւ մեթոդները, դասարանի ղեկավարությունը եւ այլն: Ավելին, ուսուցչից պահանջվում է լինել ավելի ստեղծագործող, որպեսզի աջակցի ուսումնական գործունեությանը, ինչպես նաև ուսուցչից պահանջվում է արտադասարանական միջոցառումներ դասերից հետո:

Արտադասարանական միջոցառումները, ինչպես վերևում նշվեց, գործունեությունն է, որոնք իրականացվում են դասաժամերից դուրս: Դրանք իրականացվում են դպրոցում կամ դպրոցից դուրս: Օտար լեզու սովորելու համար կարող են լինել արտադասարանական անգլերեն լեզվի բանավեճեր, ժուռնալիստական խմբակներ կամ թատերական խմբակներ, որոնք հնարավորություն են տալիս ձեռք բերել ավելի սահուն արտասնություն, ինչպես նաև համագործակցություն: Կարճ ասած արտադասարանական միջոցառումները

	<p>աջակցում են սովորողների ուսումնական գործունեությանը:</p> <p>Փորձը ցույց է տալիս, որ այն աշակերտները, որոնք հաճախ են մասնակցում աշակերտական խորհուրդներին, անգլերեն բանավեճերին, լեզվական լաբորատոր աշխատանքներին, նաև ակտիվ մասնակցություն են ունենում դասերին:</p>
<p><b>Վերապատրաստման ո՞ր թեմայի շրջանակում է անդրադարձ կատարվել այս հիմնախնդրին/ուլորտին</b></p>	<p>❖ Հմտությունների և կարողությունների զարգացում</p>
<p><b>Արտադասարանական միջոցառումները օտար լեզվից</b></p>	<p>❖ Արտադասարանական աշխատանքները կառուցում են հետևյալ հիմունքներով.</p> <ol style="list-style-type: none"> <li>1. Կյանքի իրավիճակների հետ կապված հիմունքներ</li> <li>2. Սովորողների համագործակցային ակտիվության հիմունքներ</li> <li>3. Սովորողների լեզվի տիրապետման մակարդակի հաշվի առնում և արտադասարանական աշխատանքների առավելություն օտար լեզվի ուսուցման ընթացքում</li> </ol>

4. Սովորողների տարիքային առանձնահատկությունների հաշվի առնում

5. Կոլեկտիվ, անհատական և խմբային աշխատանքային ձևերի հիմունքներ

6. Արտադասարանական աշխատանքների կազմակերպման և անցկացման մեջ միջառարկայական կապերի հիմունքներ

Արտադասարանական միջոցառումները ուսուցչի աշխատանքի կարևոր մասերից մեկն է: Այսպիսի պարապմունքներ անցկացնելը միշտ ունենում է դաստիարակչական ազդեցություն տարբեր տարիքի սովորողների համար: Արտադասարանական միջոցառումները պարապմունքներ կամ էլ կոլեկտիվ իրադարձություններ են, որոնք պետք է կազմակերպված լինեն անմիջականորեն ուսուցչի կամ էլ ուսումնական ինստիտուտի կողմից և ունենան դաստիարակչական բնույթ: Այսպիսի միջոցառումներին կարելի է վերագրել նաեւ խաղերը, արշավները, էքսկուրսիաները թանգարաններ և այլն: Ուսուցման այս տեսակի հաջողությունը և արդյունավետությունը շատ բանով կախված է մեթոդների ընտրությունից և դրանց օգտագործման ձևերից, բայց միևնույն

Ժամանակ արտադասարանական միջոցառումների ճիշտ կազմակերպման և անցկացման կարևորությունը չպետք է անտեսել: Յուրաքանչյուր ուսուցիչ գիտի, որ շատ հաճախ առարկայի նկատմամբ հետաքրքրություն կարելի է առաջացնել հենց արտադասարանական միջոցառում անցկացնելով կամ օրինակ, ինչ որ ձևով ազդելով ապագա մասնագիտության ընտրության հարցում:

Արտադասարանական գործունեության մեջ ներգրավված շատ աշակերտների և ուսուցիչների ընդհանուր խնդիրն այն է, որ նրանք մեծ ու աշխատատար պատասխանատվություն են վերցնում իրենց վրա: Ուսուցիչը և աշակերտները կիսամյակից առաջ պետք է կազմեն ժամանակացույց, որը հավասարակշռում է դպրոցը, աշխատանքը, դպրոցից հետո գործունեությունը և տնային կյանքը:

Բացի այդ, աշակերտի համար գործունեությունը պետք է լինի ավելի զվարճալի քան սթրեսային: Դպրոցական գնահատականները չպետք է տուժեն արտադասարանական գործունեության մեջ անցկացրած ժամանակից:

Օտար լեզու սովորելու համար աշակերտները ամենաշատ ժամանակը անցկացնում են դասասենյակում: Նրանք գալիս են այդ դասերին, որպեսզի մոտ մեկ



Ժամ անցկացնեն նոր լեզու սովորելու և այն պատշաճ կերպով օգտագործելու համար: Դասարանում նրանք կարող են կենտրոնանալ միայն օտար լեզուն սովորելու վրա: Նույն սկզբունքով սա կարող է նշանակել, որ նրանք թողնում են իրենց անգլերենը դասարանում, երբ հեռանում են:

Բայց ինչ կլիներ, եթե մեր աշակերտները լեզվի հետ շփվելու միջոց ունենային, նույնիսկ երբ նրանք դպրոցում չեն: Սա կմեծացնի նրանց ծանոթությունը լեզվին և կօգնի նրանց ինտեգրել լեզուն իրենց առօրյա կյանքում:

Կան մի քանի մեթոդներ, որ ուսուցիչները կարող են խրախուսել աշակերտներին անել.

#### ՖԻԼՄԵՐԻ ԴԻՏՈՒՄ

Խրախուսեք աշակերտներին դիտել ֆիլմերը անգլերեն: Նախօրոք քննարկեք աշակերտների հետ ինչպես կարող են դիտել ֆիլմը ենթագրերով (սուբտիտրեր)՝ մեծացնելով իրենց հմտությունները բացահայտելու օտար լեզվի առանձնահատկությունները:

#### ԸՆԹԵՐՑԱՆՈՒԹՅՈՒՆ

Ձևավորել գրքի/ընթերցանության խմբակ աշակերտների հետ: Յուրաքանչյուր շաբաթ (երկու շաբաթը մեկ, ամիսը մեկ անգամ) աշակերտներին տալ հինգ րոպե միմյանց

պատմելու, թե ինչ գիրք են կարդացել օտար լեզվով և արդյոք խորհուրդ կտան այն մյուսներին կարդալ:

#### ՃԱՇԿԵՐՈՒՅԹՆԵՐ

Ուսուցումը բազմամշակութային միջավայրում տալիս է շատ հնարավորություններ կիսելու տվյալ ազգի և մշակույթի մասին ինֆորմացիան: Կարելի է կազմել օրացույց <<ճաշկերույթների>> համար, որտեղ աշակերտները պատրաստում են տվյալ ուսումնասիրվող երկրի ավանդական կամ հայտնի ուտելիքը իրենց դասընկերների համար:

#### ՍՈՑԻԱԼԱԿԱՆ ԿԱՅՔԵՐ

Գրչընկեր լինելու գաղափարը կարելի է համարել մի փոքր հնացած: Բայց շատ աշակերտներ սիրում են միմյանց հետ շփվել կարճ հաղորդագրություններ գրելով: Կարելի է կազմակերպել և այլ դպրոցի աշակերտների բացել facebook- յան կամ whatsapp-ի խմբեր, որոնց միջոցով աշակերտները կարող են շփվել:

#### ԱՄԵՆՕՐՅԱ ԼՈՒՐԵՐ

Ներառել ամենօրյա նորությունների տեղեկագիր դասերի ընթացքում, որտեղ աշակերտները կարող են միմյանց տեղեկացնել ընթացիկ իրադարձությունների մասին: Սա կարող է լինել ժամանակ առ ժամանակ, այն պետք է խրախուսի

սովորողին կարդալ լուրեր, որպեսզի կարողանան ներկայացնել:

❖ Արտադասարանական աշխատանքների անցկացման պայմանները.

- Կամավոր մասնակցություն
- Երեխաների նախաձեռնողական գործունեությունը ուսուցչի ուղղորդիչ դերի հետ միասին
- Նյութի հետաքրքիր և նոր լինելը
- Աշխատանքի ձևն ու մեթոդը
- Բոլոր անցկացվող միջոցառումների Եսթետիկ կողմը
- Ճշգրիտ կազմակերպում և մանրակրկիտ պատրաստվածություն բոլոր պլանավորած միջոցառումների
- Սովորողների ակտիվության խթանում մանկավարժական մեթոդների միջոցով

Այսպիսով, ինչ տեսակի արտադասարանական միջոցառումներ կան դպրոցում:

Ամենատարածված տեսակներից են արտադասարանական խմբակները, ստուդիաները, գիտական ընկերությունները, առարկայական խմբակները, ցուցահանդեսները, հանրային տոները, էքսկուրսիաները, մրցույթներն ու օլիմպիադաները, կոնֆերանսները:

Ցանկացած արտադասարանական միջոցառում իր մեջ պարունակում է երեք հիմնական փուլ՝

- Նախապատրաստական փուլ
- Միջոցառման անցկացման փուլ
- Կատարվածի վերլուծում

Արտադասարանական միջոցառումների զարգացումները ժամանակի ծախս են պահանջում մանկավարժից պատրաստվելու համար տվյալ գործունեությանը: Չէ որ անհրաժեշտ է գտնել հետաքրքիր, իրական նյութ հանձնարարված թեմայի վերաբերյալ, որը ոչ միայն կհետաքրքրի մասնակիցներին, այլև չի թողնի նրանց անտարբեր:

Բացի այդ պետք է կոնկրետ պլանավորել միջոցառման բոլոր մասերը, փնտրել նյութերը եւ դրանց մատուցման մեթոդները, որոշել նաև անհրաժեշտ կահավորանքը՝ տեսողական և դիդակտիկ նյութերը:

❖ Արտադասարանական աշխատանքների նպատակը

- Գիտելիքների ընդլայնում և խորացում
- Օտար լեզվի տիրապետման ունակությունները կոմունիկացիոն գործունեության մեջ
- Սովորողի հետաքրքրության խթանում առարկայի ուսունասիրության մեջ

- Անձի բազմակողմանի զարգացում, ներառյալ ինտելեկտուալ, կամային և հոգևոր ոլորտները

Արտադասարանական միջոցառումների ինչ սցենարներ կարող է օգտագործել ուսուցիչը:

Արտադասարանական միջոցառման սցենարը դա միջոցառման մանրակրկիտ բովանդակությունն է, ձևավորված գեղարվեստորեն և բացահայտող արտադասարանական միջոցառումների բոլոր տարրերը: Սցենարում պետք է բացահայտվի թեման և նպատակը, բոլոր տրամաբանական անցումները սցենարի մի մասից մյուսին: Սցենար գրելու գլխավոր պայմաններից մեկը կոնկրետացնել ընդհանուր թեման, գտնել և լուսաբանել խնդրահարույց կողմը, որը ամենաշատն է հուզում: Ցանկացած արտադասարանական միջոցառում, ինչպես կարգն է, վերաբերվում է որևէ կոնկրետ տոնի, հիշարժան օրվա կամ անձի, կամ էլ խնդրահարույց թեմայի: Կարևոր է, որ արտադասարանական միջոցառման սցենարը համապատասխանի սովորողների տարիքային առանձնահատկությունները: Միջոցառման սցենարը իր մեջ պետք է ունենա կոնկրետ սյուժեյի զարգացում, ընդ որում կոնֆլիկտը պարտադիր է: Առանց կոնֆլիկտի սցենարը

այնքան էլ վառ չի բացահայտում միջոցառման բոլոր գաղափարները:

Ցանկացած կարգի արտադասարանական միջոցառում անհրաժեշտ է, որ ուսուցիչը վերլուծի: Գոյություն ունի երկու տարբեր տեսակի վերլուծություններ՝ հիմնական եւ հոգեբանական-մանկավարժական:

Առաջինում վերլուծվում են միջոցառման նյութի պարունակությունը, նրա դաստիարակչական ուղվածությունը:

Երկրորդ տեսակը առաջին հերթին դիտարկում է պարապմունք մանկավարժական տեսանկյունից:

Արտադասարանական միջոցառման վերլուծության սխեման հետևյալն է՝

1. Գնահատել տվյալ իրադարձության թեմայի հիմնավորումը
2. Վերլուծել թեմայի նպատակն ու խնդիրները, և այն, թե որքանով էին դրանք հասանելի անցկացվող դասի ընթացում
3. Հաշվի առնել պարապմունքի անցկացման տեղն ու ձևը և ուշադրություն դարձնել, թե որքանով են դրանք համապատասխանում ընտրված թեմային:

Յուրաքանչյուր ուսուցիչ պետք է անցկացնի նաև անցկացված միջոցառման ինքնավերլուծություն: Դա տալիս է հնարավորություն գնահատելու, թե

	<p>ինչքանով է արտադասարանական միջոցառումը հաջողվել, գնահատելու սեփական մանկավարժական հմտությունները և բացահայտելու պահերը, որոնք կարելի է շտկել, կամ էլ դրանց վրա հատուկ ուշադրություն դարձնել հաջորդ պարապմունքին պատրաստության ժամանակ:</p> <p>Ինքնավերլուծությունը խթանում է ինքնակատարելագործմանը և մոտիվացնում է բոլորի հետագա զարգացումը, այդ թվում նաև ուսուցչին:</p> <p>Արտադասարանական միջոցառման անցկացումը մանկավարժի աշխատանքի կարևոր մասերից մեկն է, դա նաև դպրոցական կյանքի ամենահետաքրքիր մասերից մեկն է: Այն պահանջում է մեծ պատրաստվածություն, որպեսզի լինի արդյունավետ, սովորողներին հետաքրքիր և չթողնի անտարբեր բարձրացված թեմայի նկատմամբ, այլ ընդհակառակը՝ մոտիվացնի խնդրի հետագա ուսումնասիրման, քննարկման և իմաստ տալուն:</p> <p>Արտադասարանական միջոցառումները միշտ օժանդակում են երեխաների ստեղծագործական աճին:</p>
--	--

**Պարագրաֆներ/մասեր**

<p><b>Գրականության ակնարկ</b></p> <ul style="list-style-type: none"> <li>• Մեջբերումներ արդեն արված հետազոտություններից,</li> <li>• Մեջբերումներ գրականությունից, տեղեկության վստահելի աղբյուրներից:</li> </ul> <p><b><u>Պարտադիր է կատարել հղում աղբյուրին</u></b></p>	<ol style="list-style-type: none"> <li>1. Внеклассные мероприятия по иностранному языку</li> <li>2. Yunus Yildiz, Ishik University, Department of Languages, Erbil, Iraq</li> <li>3. Возрастные котегории и внеклассные мероприятия</li> <li>4. Конспект и презентация к внеклассному мероприятию</li> </ol>
<p><b>Օգտագործված մեթոդները, գործիքները</b></p>	<ul style="list-style-type: none"> <li>❖ Բեմականացում</li> <li>❖ Երկխոսություն</li> </ul>
<p><b>Իրականացման ժամանակահատվածը</b></p>	<p>2022-2023 ուս. տարի</p>
<p><b>Թիրախ խումբը և շրջանակը /քանակ, սեռային բաշխում/</b></p>	<p>Կրտսեր, միջին և ավագ դասարանի աշակերտներ</p>
<p><b>Արտադասարանական միջոցառումների կազմակերպման տարիքային</b></p>	<p>Մի քանի օտար լեզուների իմացությունը, այսինքն բազմալեզվությունը հասարակության համար ապահովում է արագ ինտեգրումը համաշխարհային հանրության քաղաքական, տնտեսական, մշակութային և կրթական տարածքում, իսկ</p>



**առանձնահատկություններ**  
**ը**

անհատի բազմալեզվությունը հնարավորություն է տալիս անհատին ապահովել արագ և արդյունավետ ինտեգրումը հասարակության մեջ, ծանոթանալ համաշխարհային գիտական, հասարակական, տնտեսական, մշակութային տեղեկատվությանը, ինչպես նաև մեծացնում է ազատ տեղաշարժման իրավունքից օգտվելու գործնական հնարավորությունները:

Տրիբային առանձնահատկությունները օտար լեզվի ուսուցման մեջ ի հայտ են գալիս ի սկզբանե: Մի բան է ուսուցանվող լեզվի հետ նախնական ծանոթացման, այնուհետև տարրական ուսուցման մեջ ներդնել սկզբնական տարրերը / պատկերների տեսքով, թվային համակարգով, պարզունակ արտահայտություններով/, այնուհետև այդ ամենը աստիճանաբար բարդացնել /նախադասությունների կազմում, պարզ երկխոսություններ, տեքստի ընկալում.../, մի այլ բան է արդեն ավագ դպրոցում նպատակաուղղված ուսուցումը, երբ լիարժեք ընկալում է, թե ինչ նպատակով է ինքը տվյալ դասընթացին և ինչ է տալիս այն իրեն:

Նույն մոտեցումն ու վերաբերմունքն է նաև արտադասարանական միջոցառումների ընթացքում: Եթե կրտսեր

	<p>դասարանների աշակերտներին ավելի շատ գրավում է տվյալ միջոցառման բնույթը, իրագործումը, բեմական եւ ցուցադրական երևույթները, ապա հավանական է, որ ավագ դպրոցի սովորողին ավելի շատ հետաքրքրում է գործընթացի պրոցեսը, նպատակը, փորձը /տվյալ օտար լեզվով միմյանց հետ շփվելու/: Եվ որ ամենակարևորն է, այն լրացուցիչ հնարավորություն է հաղթահարելու սխալներ գործելու ներքին վախը:</p>
--	---

**Եզրակացություններ, առաջարկություններ**

<p><b>Վերհանված արդյունքներ, եզրակացություններ, պատասխան հետազոտական հարցին</b></p>	<p>Արտադասարանական միջոցառումները օգտակար են այն բանով, որ նրանք օգնում են սովորողներին ստեղծել դրական վերաբերմունք հմտություններ զարգացնելու համար: Աշակերտները դառնում են ավելի արդյունավետ, երբ նրանք ընդգրկված են արտադասարանական միջոցառումների մեջ: Քանի դեռ սովորողները խրախուսվում են սովորել, նրանք կկարողանան ավելի շատ նվաճումների հասնել: Այս դասընթացներն ու միջոցառումները կարող են միեւնույն ժամանակ սովորողներին օգնել լավ տիրապետել օտար լեզվին: Այս գործողությունները օժանդակում են օտար լեզվի ուսուցման գործընթացում կիրառվող մեթոդներին եւ այն լեզվի զարգացման</p>
---	--

խթանման համար հարթակ է հանդիսանում սովորողների համար:

Ուսումնասիրությունները ցույց են տալիս, որ սովորողները, ովքեր մասնակցում են դպրոցից հետո մեկ կամ մի քանի միջոցառումների, ավելի քիչ են հակված հասակակիցների բացասական ճնշմանը և ունեն ինքնագնահատականի ավելի բարձր մակարդակ, քան այն երեխաները, ովքեր չեն մասնակցում:

Ուսումնասիրությունները ցույց են տվել նաև, որ արտադասարանական գործունեությունը կարող է բարձրացնել սովորողների ակադեմիական առաջադիմությունը և հնարավորություն տալ նրանց հպարտանալու իրենց ձեռքբերումներով, հմտություններով ու կարողություններով: Այս միջոցառումներին մասնակցությունը կարող է օգնել երեխային ազատվել հիասթափություններից, զարգացնել սոցիալական հմտությունները և բացահայտել տաղանդները, կարողությունները և հետաքրքրությունները:

Իհարկե, վերը նշված մեթոդներից մի քանիսը հատկապես դպրոցում իրականացնելու համար գերադասելի է ունենալ համապատասխան կահավորանք և պայմաններ, ինչը ցավոք, առայժմ

բացակայում են մեր շատ դպրոցներից: Ինչպես նաև կարևոր է, թե տարբեր տարիքային խմբերում սովորողները ինչպես են ընկալում ուսուցման այս տեսակի կազմակերպման գործընթացի կարևորությունը:

Հայտնի է, որ կրտսեր տարիքի սովորողների հետ ավելի հեշտ է իրականացնել ցանկացած տեսակի գործունեություն: Նախ և առաջ, որովհետև փոքր են և հեշտ ղեկավարվող ու ուղղորդվող: Երկրորդ՝ ձգտում են սովորել, չնայած հստակ չեն պատկերացնում օտար լեզվին տիրապետելու մեծ դերն ու նշանակությունը իրենց չափահաս կյանքում:

Միջին դասարաններում, անցողիկ, տարիքային խնդիրներով հարուստ տարիքում, ոչնչով չհետաքրքրվելու, շատ կարևոր խնդիրների նկատմամբ բացարձակ անտարբերությունն է գերիշխում: Ուսուցիչներից պահանջվում են մեծ հմտություններ և համագործակցություն աշակերտների հետ՝ մոտիվացնելով նրանց սովորելու գործընթացում:

Բայց հատկապես այս տարիքի սովորողներին է առավելագույնս հետաքրքրում արտադասարանական միջոցառումների կազմակերպումը և իրականացումը: Նրանք ոգևորված ուզում

	<p>են մասնակցել բեմականացումներում, դպրոցական խմբակներին և այլն, որն էլ հիմք է տալիս ուսուցչին &lt;&lt;օգտվել առիթից&gt;&gt; և լուծել ուսումնա-դաստիարակչական մի շարք խնդիրներ:</p> <p>Բարձր դասարանի աշակերտները (թե՛ ավագ դպրոցում և թե՛ միջնակարգ դպրոցում սովորող) մեծամասամբ հաղթահարում են այս անցողիկ փուլը և դառնում ավելի նպատակաուղղված, ավելի հասուն: Շատերը հստակ պատկերացնում են, թե ինչ են ուզում և ինչ են անում կյանքում հաջողության հասնելու համար: Եվ հիմնականում այս տարիքում է, որ ստեղծվում են facebook-յան և whatsapp-յան ընկերությունները և շփումները, թեկուզ և օտար լեզվով:</p>
<p><b>Այլ տեղեկատվություն</b></p>	

**Հավելվածներ**

<p><b>Հաշվետվության կցված նյութեր</b></p> <ul style="list-style-type: none"> <li>• Հետազոտության գործիքներ (հարցաթերթիկներ կամ այլ)</li> <li>• Նկարներ</li> <li>• Արդյունքներ</li> </ul>	
--	--

